



دکتر غلامحسین یوسفی (۱۳۰۶-۱۳۶۹)

تورکجه یه چئویره ن : علیرضا ذیق

" مفتون امینی " نین یارادیجیلیقی

فارس دیل و ادبیاتی نین بعضی بؤیوک شاعیرلری ، یاشار آذربایجان اؤلکه سین دن و ایگیت لر یوردی تبریز شهرین دن قاغزانارکن ایران فرهنگی نین زنگین لیگینه داها آرتیق یاردیم گؤستریب لر.

اودوره دن کی تبریز لی قطران (438 ه. ق) یاخشی شعر دئییردی و " منجیک " له " دقیقی " دیوان لاری نین چتین لغت لرینی تبریز ده " ناصر خسرو " دان سوروشوردولارو یا " اسدی طوسی " قمری ایلی نین بئشینجی یوز ایللیگینده ، " اردشیردیلمسپار نجمی " نین ایسته گی له " لغت فرس " کیتابینی کی فارس دیلی نین آن آسکی ایضاحلی لغت کیتابیدیر و فارس شعر و نثرین بیر سیرا لغت لرینه شامیل دیرآذربایجانین گؤرکملی شاعیر لری اوچون یازیر دی ، فارس دیل و ادبیا تینی اؤیره نمک بیر ضرورته چئوریلیمیشدی.

بو آرادا نظامی ، خاقانی ، فلکی ، مجیرالدین بیلقانی ، همام ، صائب ، شهریار و باشقالارینی آد آپارماق اولار کی فارس پوئزیاسی نین آن بؤیوک و آدلیم سیما لرین دن ساییلیر لار .

" همام تبریزی " نین یارادیجیلیقی ، سعدی نین شعر لرینه او قَدَر اوخشاییر دی کی اسکی مجموعه لرده ، گاه دان اونلارین شعرلرینی بیر – بیریندن سئچیب آیر ماق مومکون اولماییر.

تبريزين " سرخاب " محله سي و مقبره الشعرا ، كي چوخلي شاعير و يازيچي نين ابدى يوردي دئمك دير، او تورپاق دا بوي آتيب ديرچه لميش و ابديته قاویشمیش بؤيوك قلم صاحب لري نين ياشارليقيني يادا ساليير.

بو سؤز لردن غرض اوکي چاغداش فارس شعري نين آدليم سيما لریندن بيرى ده " يدالله مفتون اميني " دير. مفتون اميني يئني دوشونجه يه ماليك اولان و ذوقى لطيف بير شاعير دير كي إهمالجا و سس سيز اؤز بديعي ياراديجيليغينا دوام وئيرير و گرک دير كي اونون پوئزيا عالمينه دقتلي اولاق .

" مفتون اميني " غزله و ليريك شعره داها آرتيق علاقه گؤستر سه ده اونون چاپ اولموش شعر مجموعه لرین ده ، باشقا مضمون لار و اؤزگه قاليب لرده گؤزه ده بير.

آذربايجان تورپاق و ائلينه وورغونلوق ، جمعيت و اجتماع حاققيندا سؤز آچماق ، مفتون شعرينده اؤزونه خاص بير يئري وار . بعضي شعرلي ده کلاسيك فورمالاردا يوخ يئني قاليب لرده يازيليپ . اونون شعر لرین دن يئني ليک و طراوت ياغير و گرک دير كي دوزگون ديريني تاپميش اولا



مفتون امینی